



Caderno da crítica

Cuestionario Proust: Suso Lista

[Ramón Nicolás 7 Novembro 2015](#)

1.– Principal trazo do seu carácter?

– Ter o allo no cu. É raro verme quieto.

2.– Que calidade aprecia máis nas persoas?

– A bondade e a solidariedade.

3.– Que agarda das súas amizades?

– Apoio e compañía nos bos e malos momentos.

4.– A súa principal eiva?

– A impaciencia.

5.– A súa ocupación favorita?

– Pasear. Ulir. Tocar..., sentir.

6.– O seu ideal de felicidade?

– A boa saúde. A paz. A serenidade.

7.– Cal sería a súa maior desgraza?

– A morte dun ser querido.

8.– Que lle gustaría ser?

– Xeólogo e astrofísico.

9.– En que país desexaría vivir?

– No que vivo. Galiza.

10.– A súa cor favorita?

– Amarelo.

11.– A flor que máis lle gusta?

– Unha orquídea amarela e azul que abunda aquí e que non sei como se chama.

12.– O paxaro que prefire?

– O corvo. Estou seguro que nas vilas identifican os humanos veciños deles. Leva xeracións cohabitando no mesmo entorno. Xunto coas andoriñas son os autenticamente nativos das nosas vilas e aldeas.

13.– A súa devoción na prosa?

– Moitos. Rulfo, Voltaire, Wilde... E sete ou oito máis...

14.– E na poesía?

– Walt Whitman.

15.– Un libro?

– *Pedro Páramo*.

16.– Un heroe de ficción?

– Corto Maltés.

17.– Unha heroína?

– Pipi Calzaslongas.

18.– A súa música favorita?

– Toda menos o reguetón.

19.– Na pintura?

– Dalí. Ultimamente descubrín a Georgi Petrov e encántame.

20.– Un heroe ou heroína na vida real?

– Miña avoa Felisa. Nun mes morréronlle os cinco fillos que tiña, e volveu criar outros cinco, entre eles meu pai.

21.– O seu nome favorito?

– Gumersindo. Pola súa sonoridade.

22.– Que hábito alleo non soporta?

– A impuntualidade.

23.– O que máis odia?

– A guerra.

24.– A figura histórica que máis despreza?

– Tódolos ditadores.

25.– Un feito militar que admire?

– A reconquista de Perejil. Tamén admiro o ben que desfila a cabra que levan os lexionarios.

26.– Que don natural lle gustaría ter?

– Voar como os corvos.

27. – De que maneira lle gustaría morrer?

– Sen causar problemas.

28.– Cal é o seu estado de ánimo máis habitual?

– Optimista.

29.– Que defectos lle inspiran máis indulxencia?

– A ignorancia.

30.– Un lema na súa vida?

– Ser bo non custa nada.